



XUNTA DE GALICIA



CONVENIO DE COLABORACIÓN ENTRE O INSTITUTO GALEGO DE CONSUMO E A UNIVERSIDADE DE SANTIAGO DE COMPOSTELA, NO EIDO DO DEREITO DE CONSUMO E A ARBITRAXE DE CONSUMO.

Santiago de Compostela, a 1 de abril de 2016

REUNIDOS:

Por unha banda, Dña. _____, Presidenta do Instituto Galego de Consumo e, en exercicio das atribucións que lle confire o artigo 7 da Lei 8/1994, do 30 de decembro, de creación do Instituto Galego de Consumo, en relación co artigo 1.2 do citado texto legal, e o punto segundo do Acordo do Consello da Xunta de Galicia do 27 de marzo de 1991, publicado por resolución da Consellería de Economía e Facenda no DOG do 30 de abril de 1991. Autorizado para a sinatura do presente convenio na comisión executiva do Consello de Dirección do Instituto Galego de Consumo do 15 de febreiro de 2016.

Por outra banda, D. _____ Reitor Magnífico da Universidade de Santiago de Compostela, nomeado segundo o Decreto da Comunidade Autónoma de Galicia nº _____, de acordo coas competencias que lle outorga o artigo 20 da LOU.

EXPOÑEN:

PRIMEIRO.- Que o artigo 51 da Constitución Española reconece expresamente que os poderes públicos garantirán a defensa dos consumidores e usuarios, protexendo, mediante procedementos eficaces, a seguridade, a saúde e os lexítimos intereses económicos dos mesmos.

O artigo 30.1, parágrafo 4, do Estatuto de Autonomía lle atribúe á Comunidade Autónoma de Galicia a competencia exclusiva en materia de defensa do consumidor e do usuario, nos termos do disposto nos artigos 38, 131 y 149. 1. 11 y 13 da Constitución.

Para o desenvolvemento da dita competencia, na Lei 8/1994, do 30 de decembro, créase o Instituto Galego de Consumo como organismo autónomo de carácter administrativo que, de acordo co previsto no Decreto 329/1995, do 21 de decembro, é o organismo ó que lle corresponde a realización, no territorio da Comunidade Autónoma de Galicia, da política de defensa do consumidor e usuario nos ámbitos de inspección, vixilancia do mercado, mediación e arbitraje.

SEGUNDO.- Que o Instituto Galego de Consumo e a Universidade de Santiago de Compostela son conscientes da importancia e necesidade da implicación do mundo universitario, expoñente do mundo do coñecemento, coa aplicación práctica do dereito de consumo dentro das súas diferentes vertentes, especialmente polas autoridades e administracións de consumo, así como a de establecer foros de debate e propostas para o cumprimento da defensa dos consumidores e usuarios prevista na Constitución española de 1978, e facilitar a investigación en materia do dereito de consumo.



XUNTA DE GALICIA



Por elo, considérase que estes fins poden instrumentarse a través de diferentes formas de colaboración entre a Universidade de Santiago de Compostela e o Instituto Galego de Consumo.

TERCEIRO.- Que a colaboración entre o Instituto Galego de Consumo e a Universidade de Santiago de Compostela xa se ven articulando, dende o ano 2002, por medio de convenios de colaboración, ó entender que estes constitúen o instrumento máis idóneo para potenciar e acadar aquelas finalidades de vinculación do mundo universitario á administración de consumo, e viceversa.

CUARTO.- Que non é posible promover a concorrência atendida a especificidade da institución universitaria e que desde o Instituto Galego de Consumo se prevé establecer convenios de colaboración similares coas outras dúas universidades.

De acordo co exposto, ambas partes asinan o presente convenio coas seguintes

CLÁUSULAS

PRIMEIRA: Obxecto.

O presente convenio ten por obxecto a colaboración entre o Instituto Galego de Consumo (I.G.C.) e a Universidade de Santiago de Compostela, co fin de potenciar a implicación de ambas entidades para facilitar o estudo e investigación no eido do Dereito de Consumo, a participación do persoal ó servizo da universidade no arbitraje de consumo e establecer foros de debate e proposta conxuntos.

A participación no sistema arbitral de consumo permitirá ao persoal ao servizo da universidade, con plena garantía dos dereitos dos consumidores, o estudo, análise de laudos arbitrais, así como do funcionamento, en xeral, do sistema arbitral e as formas de protección dos dereitos dos consumidores polo IGC.

SEGUNDA: Compromisos do IGC.

O IGC facilitará a participación de persoal ao servizo da universidade no sistema da arbitraje de consumo a través da presidencia e secretaría dos colexios arbitrais da Xunta Arbitral de Consumo de Galicia.

A participación no sistema arbitral de consumo permitirá ao persoal ao servizo da universidade, con plena garantía dos dereitos dos consumidores, o estudo, recompilación, análise de laudos arbitrais, así como do funcionamento, en xeral, do sistema arbitral e as formas de protección dos dereitos dos consumidores polo IGC, sen que, en ningún caso, poidan realizar traballos para o instituto.

O IGC facilitará a participación deste persoal en actividades formativas e de divulgación organizadas e dirixidas polo Instituto Galego de Consumo.



XUNTA DE GALICIA



Nas publicacións ou documentos divulgativos elaborados en virtude deste convenio constará a identificación como co- elaboradoras das dúas entidades.

TERCEIRA: Compromisos da Universidade.

A Universidade de Santiago de Compostela designará, un mínimo de 2 persoas ao servizo da universidade que deberán ser licenciados en dereito de acordo co establecido no Real decreto 231/2008, do 15 de febreiro, polo que se regula o sistema arbitral de consumo.

A universidade procurará designar entre o persoal ao seu servizo a aquel con especial interese no eido do Dereito de Consumo ou que estea realizando estudos ou investigacións nesta materia.

A universidade asume o compromiso de que este persoal acudirá ás oficinas do IGC para as actividades relacionadas coa participación no sistema arbitral e someterase ó procedemento de actuación do Instituto Galego de Consumo en relación a este convenio adxuntado como anexo I.

Entre a formación práctica a desenvolver polo persoal designado pola Universidade encontrase a participación activa no sistema da arbitrase de consumo a través das seguintes actividades:

- Presidencia e secretaría dos colexios arbitrais da Xunta Arbitral de Consumo de Galicia. A planificación e convocatoria das audiencias arbitrais corresponderá á Xunta Arbitral de Consumo de Galicia.
- A participación nos colexios arbitrais deste persoal comprenderá tamén o estudo e recompilación da documentación , estudo e análise de laudos arbitrais, correspondéndolle ao Instituto Galego de Consumo a coordinación das tarefas arbitrais, e a formación do persoal universitario neste eido.
- Asesoramento e colaboración en materias relativas á protección dos consumidores.

CUARTA: Compromisos da Universidade.

Ademais dos derivados da cláusula anterior e o resto do convenio, a universidade realizará, a lo menos unha xornada ou seminario, sobre as temáticas que, relacionadas co Dereito de Consumo, se determinen conxuntamente co IGC, valorando a necesidade ou interese da temática en cada momento. Previo acordo das partes, estas xornadas ou seminarios poderán substituírse pola realización de cursos monográficos de duración equivalente.

Nestas actividades reservarase un mínimo de 10 prazas con carácter gratuíto para as persoas que designe o Instituto Galego de Consumo.



XUNTA DE GALICIA



QUINTA: Condicións económicas.

O Instituto Galego de Consumo, aportará á Universidade de Santiago de Compostela, a cantidade total de 30.000,00 €, IVE incluído, con cargo á aplicación orzamentaria 09 .80.613 A.640.5 que figura dotada no orzamento de gastos do Instituto Galego de Consumo para 2016.

SEXTA: Forma de libramento e xustificación das actuacións.

Antes de final de ano e dependendo dos prazos establecido na orden da Consellería de Facenda, pola que se regulan as operacións de cerramento do exercicio, deberá a Universidade xustificar as actividades obxecto do convenio con facturas e memoria- informe. Unha vez recibida dita xustificación procederase ó pagamento do 100% do convenio, previa certificación de conformidade do IGC en relación co cumprimento do convenio.

SÉTIMA: Coordinación das actuacións.

As actividades da Universidade de Santiago de Compostela realizarase baixo a coordinación de D. _____ a través do grupo de investigación Grupo GI-1152, e polos correspondentes representantes do Instituto Galego de Consumo.

A Universidade de Santiago de Compostela realizará unha memoria das actividades realizadas no seo do Convenio.

No seo deste grupo, poderán decidirse, no caso de detectarse deficiencias na execución, os cambios que se consideren precisos para subsanalas, incluíndo a posibilidade de substitución do persoal ao servizo da universidade.

OITAVA: Comisión de seguimento.

Para a valoración global do grado de cumprimento do Convenio, créase unha Comisión paritaria de seguimento formada por dous representantes de cada Entidade, sendo presidida por un dos representantes do Instituto Galego de Consumo. A comisión deberá reunirse, como mínimo unha vez ao ano, e sempre que o solicite unha das dúas partes. Está comisión é competente para resolver os problemas de interpretación e cumprimento do convenio, que puideran suscitarse.

As cuestións litixiosas xurdidas verbo da interpretación, modificación, resolución e efectos deste convenio, serán resoltas en primeira instancia pola comisión mixta paritaria. Para os conflitos eventuais e controversias que poidan xurdir entre as partes e que non poidan ser resoltas na comisión mixta, serán de coñecemento e competencia do orden xurisdiccional contencioso-administrativo.



NOVENA: Relacións entre o persoal e o I.G.C.

A subscrición do presente Convenio non leva consigo relación laboral, contractual ou de calquera outro tipo entre o persoal ao servizo da universidade e o Instituto Galego de Consumo.

DÉCIMA: Duración.

O período de vixencia do presente convenio comezará o día da súa sinatura e estenderase ata o 31 de decembro de 2016, con retroacción dos seus efectos para amparar as actuacións realizadas desde o 1 de xaneiro de 2016. Todo isto sen prexuízo da posibilidade, por acordo das partes, de prorrogar expresamente o dito prazo por períodos de duración anual, previo cumprimento dos trámites orzamentarios.

En virtude da normativa vixente na Comunidade Autónoma de Galicia, este convenio poderá ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade financeira. As devanditas modificacións terán por obxecto a redución do volume das obrigas ou a ampliación do seu prazo de execución.

DÉCIMO PRIMEIRA: Causas de resolución.

Son causas de resolución do presente convenio:

- Incumprimento total ou parcial dalgunha das cláusulas reguladoras
- A utilización dos fondos outorgados para fins distintos dos que motivaron a súa concesión.
- O transcurso do seu tempo máximo de vixencia sen que se cumpran as finalidades acordadas.
- O desestimento dalgunha das partes.

DÉCIMO SEGUNDA: Natureza xurídica.

Ao presente convenio, consonte ó disposto no artigo 4.1.c) do Texto Refundido da Lei de Contratos do Sector Público aprobado por Real Decreto Legislativo 3/2011, de 14 de novembro, non lle será de aplicación a lexislación sobre contratación das administracións públicas, sen prexuízo da súa aplicación supletoria para a resolución das dúbidas e lagoas que se puideran presentar.

DÉCIMO TERCEIRA: Normativa aplicable.

O presente convenio rexerase polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de abril de 1991, así como polas disposicións que en materia de convenios se recollen na Lei 4/2006, do 30 de xuño, de transparencia e boas prácticas na Administración Pública galega. Ademais de todo o anterior, o presente convenio axustarase á normativa reguladora do Sistema Universitario aplicable á Universidade de Santiago de Compostela.

DÉCIMO CUARTA: Publicación de datos.



XUNTA DE GALICIA



Aos efectos de cumprimento do disposto na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, a Universidade de Santiago de Compostela consinte expresamente a inclusión e publicidade dos datos relevantes do presente convenio nos devanditos rexistros.

DÉCIMO QUINTA: Protección de datos de carácter persoal.

Calquera transmisión de información quedará limitada pola Lei Orgánica 15/1999, do 13 de decembro, de protección de datos de carácter persoal e Real Decreto 1720/2007, do 21 de decembro, polo que se aproba o seu Regulamento, así como polo respecto ó dereito de confidencialidade cara terceiros.

A USC na medida en que a través do seu persoal terá acceso aos expedientes nos que figuran datos persoais, terá a consideración de encargado do tratamento. Polo tanto , en virtude do artigo 12 da Lei Orgánica 15/1999, do 13 de decembro, de protección de datos de carácter persoal establece o seguinte:

- Todo persoal ó servizo da Universidade de Santiago de Compostela que forme parte deste convenio nas dependencias do IGC asinará un compromiso de confidencialidade (anexo II).
- Queda expresamente prohibido que os expedientes tratados saian das instalacións do IGC.
- A información tratada por dito persoal terá a consideración de reservada quedando prohibido calquer conducta ou actitude que poida levar consigo a súa revelación ou facilitar o seu coñecemento a terceiros non autorizados.
- Unha vez rematado o convenio, todos os datos de carácter persoal serán destruídos ou devoltos ó IGC, ó igual que calquera soporte ou documento no que conste algún dato de carácter persoal.

**A PRESIDENTA DO INSTITUTO GALEGO
DE CONSUMO**

*Constatase expresamente que este
convenio foi efectivamente asinado*

**O REITOR DA UNIVERSIDADE DE
SANTIAGO DE COMPOSTELA**

*Constatase expresamente que
este convenio foi efectivamente
asinado*



ANEXO I

PROCEDEMENTO DE ACTUACIÓN DO INSTITUTO GALEGO DE CONSUMO EN RELACIÓN CO PERSOAL Ó SERVIZO DA UNIVERSIDADE DE SANTIAGO DE COMPOSTELA EN VIRTUDE DO CONVENIO DE COLABORACIÓN ENTRE O INSTITUTO GALEGO DE CONSUMO E A UNIVERSIDADE DE SANTIAGO DE COMPOSTELA, NO EIDO DO DEREITO DE CONSUMO E A ARBITRAXE DE CONSUMO.

O Instituto Galego de Consumo, en relación ó persoal ó servizo da Universidade de Santiago de Compostela en virtude do convenio de colaboración entre o Instituto Galego de Consumo e a dita universidade , no eido do dereito de consumo e a arbitraxe de consumo, rexerase polo presente procedemento.

1.- A Universidade fixará , para dito persoal, un horario do servizo a prestar coa finalidade de que o mesmo se atope axeitadamente cuberto, con independencia do horario laboral fixado polo IGC para os seus funcionarios.

En particular, corresponde á Universidade:

- A vixilancia do horario de asistencia de dito persoal
- As licencias horarias ou permisos ou calquera outra manifestación relacionada co tempo de realización das actividades encomendadas, serán realizadas polos encargados da universidade.

2.- Xestión do persoal encargado de realizar as tarefas encomendadas:

Será responsabilidade da universidade e dos seus encargado,s impartir tódalas ordes, criterios de realización das actividades a realizar e directrices ó seu persoal, sendo o IGC alleo a estas relacións laborais.

3.- Medios materiais

A Universidade porá a disposición do seu persoal os medios materiais necesarios para levar a cabo as tarefas encomendadas, quedando expresamente prohibido o uso dos medios do IGC. De ser necesario o uso de medios do IGC, deberá comunicarse por escrito ó mesmo para a súa valoración e adopción das medidas que se consideren pertinentes.

4.- Comunicación persoal IGC- persoal universidade

A interlocución entre a universidade e o IGC será a través dos coordinadores ou responsables designados pola mesma e que serán comunicados por escrito a Xerencia do IGC.



Para a boa marcha da xestión e organización do traballo, queda prohibida a interlocución directa entre funcionarios e persoal do IGC e o persoal da universidade, así como dar instrucións de traballo. O non respecto da presente instrución, deberá poñerse en coñecemento da Xerencia do IGC para proceder a adopción das medidas que se consideren oportunas.

5.- Da representación

A representación ou participación do IGC nas comisións, actos ou actividades que con leve as actividades encargadas polo mesmo, é ostentada polo IGC quedando expresamente prohibida á delegación en persoal da universidade. No caso de ser precisa a delegación do IGC en persoal da universidade, esta será obxecto de comunicación expresa por escrito a xerencia do IGC para que de adopten as medidas oportunas.

6.- Cesión de uso de locais e instalacións por parte da Administración:

Cando por razóns da imposibilidade de dividir soportes (informáticos ou doutro tipo) sexa necesario utilizar instalacións do IGC para o desenvolvemento idóneo das actuacións encargadas e para que non se produza un gran menoscabo nos traballos do IGC e da universidade, será necesario que o IGC ceda o dereito de uso, por escrito, das instalacións e infraestruturas nas condicións que se pacten, tendo en conta sempre que “o persoal que vai utilizar as salas e instalacións dependerá exclusivamente da universidade”, sen que o seu uso implique a existencia de vínculo laboral co IGC.

No caso de que sexa necesario ceder o uso dos locais do IGC, o persoal da universidade deberá usar, de forma obrigatoria, un distintivo. Neste caso o persoal da empresa deberá en todo caso usar espazos que sexan independentes ou que estean separados por algún tipo de elemento arquitectónico de separación dos usados polo persoal propio do IGC.

7.- Cesión de uso de aplicacións ou programas do IGC:

No caso de que a universidade teña que utilizar unha aplicación ou programa do IGC, será necesario que la universidade dispoña dun programa informático compatible para poder facer un trasvase dos datos do programa propios del IGC ó da universidade, sen que en ningún caso puidera o persoal externo ter o mesmo acceso que teña o persoal propio do IGC.

8.- O persoal da universidade, ou o que en virtude dunha encomenda de xestión preste os seus servizos nos centros de traballo do Instituto Galego de Consumo, non poderán ter acceso aos seguintes servizos:

- Cursos de formación, salvo os que puideran ser obrigatorios, no seu caso, en materia de prevención de riscos laborais.
- Uso do servizo médico, salvo en casos de urxencia debidamente xustificadas.
- Uso de ximnasio ou instalacións similares.
- Centro de Educación infantil.
- Aparcamentos e zonas de estacionamento reservado.
- Programas socio-culturais ou prestacións de acción social.
- Realización de recoñecementos médicos de carácter periódico.
- Medios de transporte dispostos para o persoal do departamento.



- Acceso ao correo electrónico corporativo. En caso de que se lles deba asinar unha conta de correo electrónico, na dirección de correo deberá deixarse constancia de que se trata de persoal externo.
- Tarxetas de control de acceso de empregados públicos, dotándose, no seu caso, dunha autorización especial de entrada. En ningún caso o control de acceso as instalacións poderá supoñer un control horario do persoal da empresa contratista.
- Tarxetas de visita.
- Acceso á intranet corporativa, salvo no que resulte estritamente necesario para o cumprimento do contrato, e sen que este acceso poida ter lugar nas mesmas condicións que para o persoal do IGC. No seu caso, poderase habilitar unha intranet específica para uso da empresa contratista e as comunicacións co seu propio persoal.
- Acceso a economatos, comedores, farmacia etc. que se houberan previsto “exclusivamente” para empregados públicos do IGC.
- Calquera outro beneficio ou vantaxe social análoga recoñecida aos empregados públicos do IGC. Neste senso, a utilización dos servizos de cafetería ou comedor realizarase como o previsto, na unidade de que se trate, para o público en xeral.

9.- En ningún caso, poderán percibir indemnizacións por razón de servizo das previstas no Decreto 144/2001, de 7 de xuño, modificado polo Decreto 96/2011, de 5 de maio, con cargo aos presupostos do IGC.

10.- O IGC proporcionarán aos seus empregados públicos accións de formación ou información para atallar aquelas prácticas que determinaron ou poden determinar a existencia de cesión ilegal nas contratacións de servizos.

11.- Evitarase a confusión de funcións ou tarefas compartidas que puideran xerarse entre o persoal ó servizo da universidade e os empregados públicos destinados no centro de traballo. En ningún caso este persoal participará en roldas de vacacións ou días de permiso que se establezan nos centros de traballo do IGC.

12.- A Xerente do IGC, velará polo cumprimento das presentes instrucións, promovendo a súa difusión, asegurando a súa implantación e realizando o seguimento do seu cumprimento.



XUNTA DE GALICIA



ANEXO II

Compromiso de confidencialidade

D/D^a con maior de idade, con
DNI....., en condición de persoal ó servizo da Universidade de Santiago de Compostela en virtude do **CONVENIO DE COLABORACIÓN ENTRE O INSTITUTO GALEGO DE CONSUMO E A UNIVERSIDADE DE SANTIAGO DE COMPOSTELA, NO EIDO DO DEREITO DE CONSUMO E A ARBITRAXE DE CONSUMO**, pola presente comprométese e obriga a gardar absoluta confidencialidade sobre todos os datos e información de carácter personal que coñeza ou ós que teña acceso como consecuencia das actividades que teña levar a cabo en virtude de dito convenio, calquera que sexa ou fose a forma de acceso a tales datos ou información e no soporte no que consten, quedando absolutamente prohibido obter copias sin previa autorización.

O acceso e tratamento de datos de carácter personal como consecuencia da relación establecida co Instituto Galego de Consumo, realizarase dacordo ás finalidades previstas, subsistindo o deber de secreto, aínda despois de que finalice dita relación, sendo responsable e asumindo todas as consecuencias que deriven do incumprimento de todo o anterior.

Nome e apelidos:

DNI:

Sinatura do interesado